

瀛環志略

四  
木林

JL 2  
2225  
4



凡名2  
2225  
4

歐羅巴  
全圖

歐羅巴

森



亞細亞界



鈴江貫中臨



世界全圖

四  
口  
二



大  
地  
圖



歐羅巴

歐羅巴或作友一土在亞細亞極西北隅以烏斯大嶺為界詳我  
 國中國之所謂大西洋也絕長補短約得亞細亞之三分之一西  
 距大西洋海水由西北灣環注入大地曰歐羅巴之海一作八  
 名黃轉注東北分兩汊約三四千里波羅的海之南海水由正  
 西注入大地曰地中海泰西名墨力特爾勒尼由西而東約七  
 千餘里再分小汊注東北成巨浸曰黑海泰西名西周迴約二三  
 千里環波羅的海南盡地中海黑海之北岸為歐羅巴全土其  
 地自夏以前土人游獵為生食肉寢皮如北方蒙古之俗有夏  
 中葉希臘各國初被東方之化耕田造器百務乃興漢初意大

歐羅巴  
 卷四  
 討眉月

里亞之羅馬國創業垂統疆土四關成泰西一統之勢漢史所謂大秦國也前五代之末羅馬衰亂歐羅巴遂散為戰國唐宋之間西域回部方強時侵擾歐羅巴諸國蒼黃自救奔命不暇先是火炮之法創於中國歐羅巴人不習也元末有日耳曼人蘇爾的斯始倣為之猶未得運用之法明洪武年間元駙馬帖木兒王撒馬兒罕威行西域歐羅巴人有投部下為兵弁者攜火藥砲位以歸諸國講求練習盡得其妙又變通其法創為鳥鎗用以攻敵百戰百勝以巨艦涉海巡行西關亞墨利加全土東得印度南洋諸島國聲勢遂縱橫於四海現大小共十餘國波羅的海之東岸有大城曰彼得羅堡一作必得俄羅斯之都

城也波羅的海之西岸與大西洋海相表裏地形如葵扇下垂曰瑞國從南岸突出如臂且波羅的海之門闕與瑞國作凹凸之勢曰噠國噠國之南曰日耳曼列國為歐羅巴之中原日耳曼之東北臨波羅的海曰普魯士日耳曼東南曰塞地利亞塞地利亞之東南臨地中海曰土耳其土耳其有三土此其西土土耳其之南地形如人掌拊於地中海曰希臘日耳曼之南曰瑞士再南如人股之著履入於地中海曰意大利亞列國日耳曼之西北臨海曰荷蘭荷蘭之南曰比利時比利時之南曰佛郎西佛郎西之西南曰西班牙西班牙之西臨大西洋海曰葡萄牙佛郎西之西北有三島雄峙海中曰英吉利

歐羅巴諸國之名諸書異說幾難辨識有一國本有數名者有本係一名而譯寫轉音遂致言人人殊者今採輯於後以資考核

峇羅斯 俄羅斯 鄂羅斯 厄羅斯 阿羅思 幹魯思 元魯思 羅利 羅車 葛勒斯 縛羅答 莫哥

瑞典 蘇以天 瑞丁 綏林 瑞西亞 綏亦古 西費耶斯科 里都亞尼亞 匪馬爾加 波的亞

暹國 暹馬 領墨 吝因 丁林 大尼 丹麻爾 大馬 爾齊 雪際亞 蘇尼祭 盈黎馬祿加 低納馬爾

日耳曼 阿勒曼 阿里曼 占曼尼 耶 馬尼 熱爾麻尼 亞勒墨尼亞

普魯士 普魯社 部魯西亞 捕魯窩 圖理 雅 破魯西 比阿爾彌亞 單鷹國

奧地利 奧斯亞 莫爾大未亞 東國 雙鷹國 塞特里阿 莫爾大未亞 東國 雙鷹國

土耳其 杜爾格 都耳基 多爾其 特爾濟 都魯 機 杜爾格 都耳基 多爾其 特爾濟 都魯

希臘 額里士 額力西 厄勒祭 厄助西亞 厄勒祭 厄助西亞

瑞士 蘇子 東色楞 綏沙蘭 蘇子 東色楞 綏沙蘭

意大利 以他里 以他利 厄達利 羅問 羅汶 那 嗎 薩都爾尼亞 厄諾地亞 奧索尼啞

荷蘭 和蘭 賀蘭 惟理儀 比義 比爾啞喀 比 法蘭得斯 密爾閣 彌爾尼 比利閏

比利時 佛郎西 佛朗祭 奧盧 奧祿 牙里亞 佛朗機 佛朗機

佛郎西 佛朗祭 奧盧 奧祿 牙里亞 佛朗機 佛朗機

西班牙 是班牙 斯扁亞 士便 干絲蠟 義斯巴 尼亞 西把尼亞 大使 呂宋 意卑里亞

西班牙 是班牙 斯扁亞 士便 干絲蠟 義斯巴 尼亞 西把尼亞 大使 呂宋 意卑里亞

西班牙 是班牙 斯扁亞 士便 干絲蠟 義斯巴 尼亞 西把尼亞 大使 呂宋 意卑里亞

西班牙 是班牙 斯扁亞 士便 干絲蠟 義斯巴 尼亞 西把尼亞 大使 呂宋 意卑里亞

西班牙 是班牙 斯扁亞 士便 干絲蠟 義斯巴 尼亞 西把尼亞 大使 呂宋 意卑里亞

西班牙 是班牙 斯扁亞 士便 干絲蠟 義斯巴 尼亞 西把尼亞 大使 呂宋 意卑里亞

西班牙 是班牙 斯扁亞 士便 干絲蠟 義斯巴 尼亞 西把尼亞 大使 呂宋 意卑里亞

西班牙 是班牙 斯扁亞 士便 干絲蠟 義斯巴 尼亞 西把尼亞 大使 呂宋 意卑里亞

西班牙 是班牙 斯扁亞 士便 干絲蠟 義斯巴 尼亞 西把尼亞 大使 呂宋 意卑里亞

西班牙 是班牙 斯扁亞 士便 干絲蠟 義斯巴 尼亞 西把尼亞 大使 呂宋 意卑里亞

西班牙 是班牙 斯扁亞 士便 干絲蠟 義斯巴 尼亞 西把尼亞 大使 呂宋 意卑里亞

葡萄牙

葡萄牙駕○葡萄牙庫耳○布路亞○波耳都欺○博爾都噶亞○伯爾都牙里○大西洋○靈西達尼亞

英吉利

英機黎○英圭黎○膺吃黎○諸厄利○英倫的○及列的不列顛

按以上各國惟我羅斯與中國互市在西北陸路不由海道其至奧東貿易者英吉利船最多居各國十分之六西班牙之船大半自呂宋來奧東稱大小呂宋不稱西班牙船之多幾過於英吉利而洋米之外少別貨此外則奧地利亞普魯士次之。德國荷蘭又次之。瑞國又次之。佛郎西貨船每歲來奧多不過三四隻少則一二隻所載皆呢羽鐘表諸珍貴之物。葡萄牙即居澳門之大西洋其本國商船來者甚稀日耳曼之幹堡一作昂不爾厄此閱一作不來梅兩埠間有貨船來粵比利時

現求通商。船尚未來。意大利亞近分四國。商船無來者。土耳其係回回。希臘新造小國。向未通商。

泰西人有歐羅巴列國版圖說。一曰我羅斯國王主治。地三百二萬正方里。居民四千一百萬人。每年進幣五千二百萬

圓。洋銀皆以圓計。重者七錢二分。輕者四五錢不等。國家欠項二萬萬圓。額兵六十

萬。戰時百萬餘。師船三十六隻。○二曰英吉利女王主治。地

三十萬正方里。居民二千二百萬人。每年進幣二萬二千八

百萬圓。欠項三十五萬萬圓。額兵九萬。戰時三十七萬。師船

六百十隻。戰時千餘隻。○三曰佛郎西國王主治。地六十三

萬正方里。居民三千二百萬人。每年進幣一萬五千七十萬



圓。欠項四萬八千萬圓。額兵二十八萬。戰時三十二萬。師船三百五十隻。○四曰奧地利亞。國王主治。地七十五萬正方形。居民三千二百萬人。每年進帑五千二百萬圓。欠項二萬萬圓。額兵二十七萬。戰時七十二萬。師船三十一隻。○五曰普魯士。國王主治。地三十萬正方形。居民一千二百萬人。每年進帑三千萬圓。欠項一萬一千四百萬圓。額兵十五萬。戰時五十二萬。師船未詳。○六曰西班牙。女王主治。地四十一萬正方形。居民一千三百萬人。每年進帑二千六百萬圓。欠項二萬三千餘萬圓。額兵四萬六千。戰時十七萬。師船今無。○七曰土耳其。國王主治。地六十萬正方形。居民九百餘萬。

人。每年進帑一千一百萬圓。欠項三千六百萬圓。額兵八萬。戰時二十萬。師船百有餘隻。○八曰瑞國。國王主治。地六十七萬正方形。居民三百八十萬人。每年進帑七百萬圓。欠項一千七百萬圓。額兵四萬五千。戰時十三萬。師船三十隻。○九曰暹國。國王主治。地一十五萬正方形。居民二百萬人。每年進帑四百萬圓。欠項四千萬圓。額兵三萬八千。戰時七萬四千。師船一百隻。○十曰葡萄牙。女王主治。地一萬八千正方形。居民三百七十萬人。每年進帑八百七十萬圓。欠項二千四百萬圓。額兵四萬。戰時七萬。師船二十三隻。○十一曰荷蘭。二王分南北主治。北曰荷蘭。南曰比利時。共地七萬七千正方形。

居民六百九十餘萬人。每年進幣一千二百萬圓。欠項一萬七千八百萬圓。額兵四萬三千。戰時六萬九千。師船一百餘隻。○十二曰拿破里。一名捏不爾士。又作那不勒斯。意大利亞所分國。國王主治。地一十二萬正。居民七百四十萬人。每年進幣一千二百萬圓。欠項八千四百萬圓。額兵二萬八千。戰時六萬。師船十二隻。○十三曰撒地尼。一作沙力尼阿。又作薩爾的尼亞。亦意大利亞所分國。國王主治。地七萬四千正。居民四百一十萬人。每年進幣八百七十四萬圓。欠項二千四百萬圓。額兵二萬八千。戰時六萬。師船八隻。意大利亞本分四國。兩國之外。尚有羅馬。突加拿二國。此說遺之。○十四曰瑞士。無國王。民自推鄉長理事。地三萬二千正。居民二百萬。

人。每年進幣二萬五千圓。鄉兵三萬三千丁。○十五曰希臘。國係新造。地域稅入兵額未詳。○十六曰日耳曼。分四國。一曰巴華里。一作拜馬。又作巴威也拉。有國王。地九萬正。居民四百萬人。每年進幣一千四百萬圓。欠項四千四百萬圓。額兵五萬三千。戰時七萬一千。二曰漢那華。一作漢挪瓦。又作亞諾威爾。有國王。地四萬二千正。居民一百五十萬人。每年進幣四百六十八萬圓。欠項一千二百萬圓。額兵一萬二千。戰時二萬六千。三曰味耳典白。一作威丁山。又作瓦爾敦巴耳。有國王。地二萬正。居民一百五十萬人。每年進幣三百三十四萬圓。欠項一千萬圓。額兵四千。戰時二萬七千。四曰撒遜。一作撒孫。又作薩克。又作塞循。地

一千五百正方里。居民一百四萬人。每年進幣八百七十四萬圓。欠項一千二百萬圓。額兵一萬三千。戰時二萬四千。別有大小侯國二十餘。不在此內云。○余按此說。各國地域之正方里。與中國開方法不同。不知其如何折算。其所列進幣兵額。師船之數。與別書多不合。殊不足據。所謂欠項者。乃國所欠於民之數。西土之例。國有兵事。則聚鄉紳於公會。令其籌辦兵餉。皆貸於富商大賈。而歲償其息。愈積愈多。或罄一歲之入。而不足以償。則加稅額以取盈焉。民之怨畔。國之衰弱。半由於此。

歐羅巴一土。以羅經視之。在乾戌方。獨得金氣。其地形則平土。

之中。容畜滄海數千里。迴環吞吐。亦與他壤迥別。其土膏腴。物產豐阜。其人性情縝密。善於運思。長於制器。金木之工精巧。不可思議。運用水火。尤為奇妙。火器創自中國。彼土倣而為之。益加精妙。鑄造之工。施放之敏。殆所獨擅。造舟尤極奧妙。蓬索器具無一不精。測量海道。處處誌其淺深。不失尺寸。越七萬里而通於中土。非偶然也。

西北之耀武功。始於漢。故稱中國為漢人。嶺南之聚番舶。始於唐。故稱中國為唐人。然唐時之番舶。亦不過南洋小西洋諸島國王涯之胡椒八百斛。故南洋產也。後來盛稱波斯胡。波斯即今之包社。在印度之西。中土統謂之小西洋。歐羅巴諸國之東。

來先由大西洋而至小西洋。建置埔頭。漸及於南洋諸島。然後內嚮。而聚於粵東。萌芽於明中。濫觴於明季。至今日而往來七萬里。遂如一葦之杭。天地之氣由西北而通於東南。倘亦運會使然耶。

歐羅巴之人。長大白皙。隆準深眶。黃睛。亦有黑睛者。鬚多連鬚。或繞

頰。有條直似中土者。有拳曲如虬髯者。有全薙者。有全留者。有

分別留鬚。如中土者。不關乎老少也。髮留二三寸許。長則剪

去。鬚與髮多黃赤色。明季稱荷蘭為紅毛。近年稱英吉利為紅毛。皆因其鬚髮之黃赤。然歐羅巴人皆如此。非獨兩

國為然也。間亦有黑色者。髮黑者。女子髮與睛亦然。或云居中

土久則鬚髮與睛漸變黑。其男女面貌亦有半似中土者。男子

冠平頂。圓筒窄簷。高三四寸。或氈或帛。見客則釋冠以為禮。皆

闊領及領。窄袖束身。長僅及腹。袴亦緊束於股。外襲之衣略寬。

長可及膝。敞其前襟。其衣內用布。外用呢。冬不裘。夏不葛。履鞞

並著。以革為之。女人髮全留。挽髻略似中土。衣亦窄袖。貼身而

無領。前露胸。與肩之半。後裸背。之近項者。約五六寸。出門則襲

闊領之衣。掩蔽之。下著裳。長拂地。腰皆襞積。約五六層。男女皆

好潔。日就浴盤。

歐羅巴諸國。迤南者在北黃道之北。寒暑略似中原。迤北者在

北黑道之南。積雪至五六尺。堅冰至三四尺。俗傳西洋人畏冷

誤矣。冬月室皆熾炭。衣氈數重。無著皮者。所傳畏冷者。乃黑夷

黑夷皆印度或南洋各島人。與赤道相近。亘古未見冰雪。其遇  
祁寒而瑟縮也宜矣。

歐羅巴五穀之種皆備。極北嚴寒多種油麥。日耳曼以南。以小  
麥大麥收麥為主。俄羅斯南境及土耳其。以粟米黍米高粱為  
主。種秔稻者。惟意大里西班牙。地處極南故也。果實則桃李  
柰。檸檬。柑橘。葡萄。櫻桃。橄欖。桑葚。無花果。甘蔗。皆有之。蔬菜多  
種。以番薯為重食。以麥麩燒作餅餌。牛羊豕皆炙熟。沃以醃醃  
食用。刀匕不用箸。飲用加非煮湯和以酥糖油。以橄欖為之。清  
香不減胡麻。釀酒以葡萄。間有用櫻桃果仁大麥為之者。不如  
葡萄所釀之醇。羽緞用旄牛之毛。大呢用緜羊之毳。棉花由五

印度米利堅販。運用火機織布。工省而價廉。五金之鑛。各國多  
有之。而俄羅斯產鐵最多。諸國皆取給焉。銀鑛舊資日耳曼之  
撒遜。近年取之南亞墨利加。材木隨處成林。橡松檉榆檜為多。  
紋緞而質堅。中國牲畜皆備。牛與豕極大。

歐羅巴諸國來粵東。皆從大西洋海開行。沿亞非利加之西岸。  
南行至盡頭之岷阿穆島。一作好望。俗名大浪山。乃轉而東北。舟行至  
此風濤最惡。彼土人慣於浮海。亦罔不慄慄危懼。過此乃額手  
稱慶。浮印度海東北行。入蘇門答臘噶羅巴之巽他海峽。又東  
北而至粵東。計程約七萬餘里。俗稱來三去五。蓋由大西洋來  
中國。約三月程。回國則須五月程。往返同途。而遲速不同者。非

盡由風信之順逆也。四海之水皆東趨至尾閭而入大地。又從萬派源泉分流而出。由歐羅巴至中國。則為順流。由中國西旋則為逆流。故遲速不同耳。

按七椿園西域聞見錄云。俄羅斯之西北有大國曰控噶爾。包俄羅斯東西界之外。所轄各城自萬戶至十餘萬戶不等。小城屬於大城。每一大城屬小城三四以至十餘。大城計一千四百餘。都城名務魯木。南北馬行九十日。東西亦然。城門二千四百。城內大江三。山河藪澤。不可勝計。宮室繇亘數十里。黃屋朱門。皆以珠寶為飾。云余嘗讀之而疑其誕。以今考之。則西方並無此國。俄羅斯之北界直抵北冰海。無別

壤。其西則與歐羅巴之瑞典普魯士奧地利亞接壤。西南與

土耳其接壤。東南與波斯接壤。乃知所謂控噶爾者。蓋指歐

羅巴之全土。所云與俄羅斯交兵之控噶爾乃係指土耳其詳俄羅斯土耳其圖說今大小有

數十國。爭域爭地。時合時分。不相統一。千餘年之前。惟意大

里亞為一統之朝。歐羅巴諸國皆其臣僕。其都城極大。名曰

羅馬。與椿園所云務魯木者。譯音相近。然亦不過七八十里。

安得馬行九十日。耶意大利亞早已四分五裂。廢為弱小之

邦。安得一姓稱雄如所云云耶。又俗傳控噶爾有大河。長萬

餘里。闊數千里。以今考之。即地中海。乃海水之東注。非河水

之西流。椿園又云。控噶爾富甚。其汗每暗攜金銀。潛擲人烟

聚集之區。如有多人爭拾。則惻然憫傷。必廣為施濟。比戶豐裕而後已。此則尤誕。彼土以貿易為生。嗜利如命。稅課百計。取盈猶願。額不足。安得如許金錢博施濟衆耶。椿園得之耳。食姑妄言之。而世乃據為典要。亦誤甚矣。

歐羅巴諸國。皆善權子母。以商賈為本。計關有稅。而田無賦。航海貿遷。不辭險遠。四海之內。徧設埔頭。固由其善於操舟。亦因國計全在於此。不得不盡心力而為之也。

歐羅巴諸國。自漢以後。皆奉洋教。教王居於羅馬。操列國興廢之權。明初。日耳曼人路得。別立西教。自是諸國從洋教者半。從西教者半。君民之相仇。戮列國之相攻。伐半由爭教而起。然所

謂洋教者。即西教。其書同而講解異。其餘教規。大致相同。詳意大里

圖說


歐羅巴諸國紀年。皆稱一千八百幾十年。非其傳國之年數也。各國皆奉西教。以教祖降生之年為元年。至今凡一千八百餘年耳。至各國祚數。或修或短。惟佛郎西傳世最久。其餘多者亦不過數百年。且時立女主。族姓潛移。俗傳西洋諸國。自古未易姓者。妄也。

歐羅巴所刻通書。不置閏。有三十日為一月者。有三十日二十九日為一月者。

西洋諸國。語言文字相同者。普魯士。奧地利亞。與俄羅斯。地相

接也。英吉利與米利堅。西班牙與墨西哥以南諸部。葡萄牙與巴西本三國之所分也。餘皆不相同。

# 俄羅斯全圖








大德



# 新俄羅斯疆圖

圖




錢二貴中



大圖  
漢口  
宜昌

大圖  
漢口  
宜昌



鈴江貫中結

大清北疆圖



錢工貫中圖

俄羅斯國

俄羅斯國。俄羅斯○鄂羅斯○厄羅斯○阿羅斯○幹魯思○  
 斯未亞○魯西○羅利○羅車○葛勒斯○縛羅答○莫哥  
 亞○沒壽啡。據亞細亞歐羅巴兩土之北境。復跨海據亞墨  
 利加之西北隅。拱北冰海。如玦環。長約二萬餘里。外夷第一大  
 國也。其西土西界瑞典普魯士舉地利亞南界土耳其波斯東  
 界西域回部。其東土南界哈薩克回部喀爾喀蒙古黑龍江綜  
 其全土在亞細亞者十之六。在歐羅巴者十之四。然其新舊兩  
 都城皆在歐羅巴。其富盛之部落雄麗之城邑萃於西偏迤東  
 之地。雖廣莫乃荒寒不毛之土。其會盟戰伐亦皆與歐羅巴諸  
 國為緣。國勢在西而不在東。故隸之歐羅巴。其國古稱薩爾馬

卷四  
 一  
 寸  
 冒  
 月  
 成

西亞自唐以前為西北散部受役屬於匈奴唐懿宗咸通年間有酋長祿利哥者招引族類肇造邦土傳至烏拉的米爾訶羅斯訶兩世立國始有規模周世宗顯德年間有王后理國政始崇希臘洋教其嗣位之王有十二子分國為十二部由是兄弟鬩牆互相攻伐日就衰亂宋理宗年間元太祖西伐滅阿羅思阿速欽察三部皆今俄立長子朮赤為汗由是為蒙古別部元衰峩羅斯故王後裔乃稍稍振起明嘉靖初借瑞典兵力驅逐蒙古復其土宇後有國王孛以萬者一作伊挽有雄略辟地日廣達於東海之隅性殘忍好殺戮臣民數萬人由是群下離心傳至波利斯後國勢寔弱內訌四起時波蘭方強日見侵削國

人恟懼思得賢主以靖國康熙四十年立彼得羅為國王一作伯多

羅又作彼達王即別書所云察罕汗彼得羅幼時其妙貪權欲據王位彼得羅避

禍隱寺內為僧既為眾所推立卑禮招致英賢與圖國事躬教士卒騎射兼習火器悉為勁旅由是政令更新國俗為之一變

境內既平乃巡行邊界開通海口嘗以戕人不善駛船變姓名走荷蘭投舟師為弟子盡得其術乃歸治舟師與瑞典戰勝之

瑞典割芬蘭以講遂建新都於海濱曰彼得羅堡一作必特爾比特革又作桑比疏通波羅的海道水陸皆操形勢戰勝攻取

疆土愈闢峩羅斯近世之強大實自彼得羅始也彼得羅歿其

后嗣位敏慧有權謀所任大將名震隣國疆土益廣乾隆二十

年王后加他隣他書所云和肯汗一作加達利納即位。濞蕩多變。而精於理事。

招致他國百工。厚給廩餼。教國人以藝事。廣延文學。兼修武備。

南隣之土耳其回部大國。與我構兵數十年。后累挫其鋒。割其

北境。又分割波蘭三分之一。后死。嗣王即位。見弒。子亞勒山德

黎繼立。與佛蘭西連兵數年。講和而罷。弟臣歌拉士嗣立。一作

勞伐土耳其大捷。波斯來侵。擊退之。割其日爾日等屬部。威聲

甚著。即今在位之王也。其國大略分四部。在歐羅巴境內者。曰

波羅的海東部。曰波蘭部。在亞細亞境內者。曰高加索新藩部。

曰西伯利部。

波羅的海東部。西抵波羅的海。東至烏拉嶺。烏拉嶺北起北冰

約四千里。歐羅巴亞細亞兩土。以此嶺為界。北距北冰海南盡黑海。南北約七千餘

里。東西約五千餘里。我羅斯本國之全土也。地形平坦。東方始

見山嶺。大勢分五域。曰東我。曰大我。曰加我。曰小我。曰南我。

○東我在國之西北境。因據波羅的海東岸。故稱東我。地分五

部。首部曰彼得羅堡。其故王彼得羅建新都於此。因以為名者

也。沿海一帶。平野蒼茫。松榆茂密。間有狹田。地氣寒甚。冬氣居

六月之久。都城在昆瓦河口。近偪海港。西風起則水湧入城。街

衢。溢城內。多廣廈傑構。王廷長四十五丈。闊三十八丈。金彩

耀目。宏麗為西國之最。泰西人造屋。皆層樓疊架。繞以迴廊。居民

四十二萬五千。內水陸兵五萬五千。客民二萬五千。別有藏軍



器之城曰立見。彼得羅堡之西南曰斯多尼亞部。再西南曰里窩尼亞部。兩部內港有大埔頭曰利牙。每年出入商艘千餘。再南曰孤爾蘭的亞部。彼得羅堡之北曰芬蘭部。本瑞典東北境。我戰勝割得之地。極廣莫。而氣候寒冽。人戶貧乏。○大我我之中原。毘連北地。幅員遼闊。故稱大我。地分十九部。首曰墨斯科部。一作在四境適中之地。我之舊都也。規制鉅麗。百官之居。皆飾以金銀。嘉慶十六年。佛郎西拿破侖新得國。勢方張。欲混一西土。以大兵伐我。圍墨斯科城。將陷。我人恐其據之也。燒之而走。火旬日不息。佛師退。乃次第修復。王殿廣七十七丈。長二百一十丈。宇內宮闕之高大。殆無與比。墨斯科之左曰瓦拉的迷

爾部。曰尼內諾烏荷羅部。舊為國之大市。今已衰廢。曰赫阿區部。墨斯科之右。曰加婁牙部。百工萃集之地。曰斯摩梭斯科部。墨斯科之南。曰都拉部。其民治鐵鑄造各器。曰當波弗部。曰荷勒爾部。曰窩羅屋日部。曰古爾斯克部。墨斯科之北。曰哥斯德羅馬部。曰日羅斯拉部。曰的威爾部。曰北斯哥帶部。再北曰荷勒內部。曰窩羅荷達部。曰諾弗哥羅部。三部地氣皆寒冽。極北臨北冰海。曰亞爾干日爾部。廣莫倍芬蘭。而荒寒不可耕。人戶甚稀。多以捕魚為業。加厘諸部之粟。時由內河往糶。極北濱海之民。皆短小。以犬為馬。以鹿為牛。有天使頭城。在白海內港之濱。冰消之時。商船可以出入。○加厘我。在大我之東。本回部地。

明嘉靖間。我攻得之。分為五部。地腴坦宜稼。產穀甚豐。又產木材。銅鐵。番鹼。其民善於硝皮。首部曰加厘。加厘之南曰新比耳斯克部。新比耳斯克之西曰奔薩部。加厘之北曰維亞德加部。再東北曰白爾摩部。○小我在大我之西南。舊本我地為波蘭回部所侵割。尋復奪還。其地氣候溫和。川原清曠。綠柳垂楊。相望。葡萄。柑橘。皆繁生。其民耕田。熟皮。造番鹼。各勤本業。○三部曰克部。曰厄加德黎諾斯拉部。曰者爾厄荷弗部。○南我在大我小我之南。土脈膏腴。產穀最多。分雜諸國。地分五部。曰加的勾巴爾的哥部。曰給爾孫部。曰比薩拉比亞部。在黑海中者曰檣里達部。小山疊秀。地氣溫煦。稱樂土。加的勾巴爾的哥之東。

曰薩拉德夫部。其種人曰可薩。悍勇善戰。馳騎如飛。我人每用以破敵。稱為勁旅。其開拓西伯利廣土。皆此部兵力也。西伯利

之兵亦皆此部人。

波蘭部 一作破蘭 又作波羅 居亞 又作惹鹿惹也 在海東諸部之西南 先是有查遜

爾倫國者。與波蘭隣。其王贅於波蘭女主。遂與波蘭合。後為我羅斯所取。稱為西我。其人白哲。又稱白我。迨後波蘭衰亂。我羅斯與奧地利亞。普魯士瓜分其國。我得三分之二。道光十二年。波蘭遺臣。據地起兵。與我軍戰。潰敗而逃。其地卒歸於我。合前所得白我地。統稱波蘭部。白我地廣闊平坦。草茂土肥。宜耕宜牧。其民修潔。屋宇整峻。分六部。曰威德比斯科部。曰摩宜勒威

部曰明斯克部。曰維里納部。曰哥羅德諾部。曰窩黎臣亞部。曰波多里亞部。波蘭地蕩平如砥。林茂草芳。穀果俱豐。兼產材木。煤炭蠶蜜。分八部。曰馬索維亞。曰加拉哥維亞。曰三多達爾。曰加利斯。曰魯伯林。曰波羅略。曰波達拉給亞。曰亞烏斯多窩。八地界原圖未分畫。

高加索新藩部。一作吉。在海東諸部之東南。亞細亞極西之土也。南境有高加索山。西壓黑海東抵裏海。綿亘蜿蜒。千峯矗起。其北境環抱裏海。地勢平闊。達於加厘部之白爾摩。舊本游牧回部。俄羅斯以兵力取之。迤南在高加索山南北者。皆土番種類。獷悍異常。舊屬土耳其波斯兩國。近年俱為俄羅斯所割。置

新藩五大部。極北者曰荷倫不爾尼部。一作阿地接西域回部。

豐草鋪原。蒙回各部互市於此。以馬牛羊易布疋。荷倫不爾尼

之西南。曰阿斯達拉干部。一作廷為五藩部之都。會窩瓦河從

西北來。由此入裏海。兩岸草場豐美。牧畜蕃庶。即土爾扈特寄

域。聞見錄謂烏巴錫。因河水未合。率河南戶口內附。而遺其河

北。今考窩瓦河自西北而東南。烏巴錫之東徙。蓋搗其河東戶

口。而遺其地通衢四達。西域游牧各部互市者。給驛於途。故

富饒為五部之最。女子絕美。各部爭買為婢妾。價極貴。有才能

者。或為妃后。裏海產鱸魚龍。土人長於釣捕。販行甚遠。阿斯達

拉干之南曰薩加社。一作色爾各設。在高加索山之陰。種人居

巖谷。不事耕作。貧甚而性特悍猛。習於剽劫。鄉皆土堡。自練丁

壯為兵梗令揭竿時時有之。戕軍收捕往往挫衄僅羈縻以固邊圉不能使之馴擾也。薩加社之南曰諾尼阿部。一作額里在高加索山之陽本屬土耳其。後稱兵叛土。戕羅斯征服之收為藩部。其地山嶺崎嶇戶口繁而貧。販鬻男女為奴婢。民俗悍獷甚於薩加社。諾尼阿之東曰日爾日部。一作無阿義東距裏海跨高加索山之南北本屬波斯。嘉慶十八年戕羅斯戰勝割取之。民俗與諾尼阿同。男女多美姿容。會城曰得勒甚卑陋。戕人修飾之漸改觀矣。薩加社諾尼阿日爾日三部近年又分為八部。曰日爾日亞。曰達什丹。曰西爾加。曰西亞。曰亞。曰巴。曰西。曰亞。曰明。曰勒。曰里。曰亞。曰西。曰里。曰亞。曰細。曰亞。曰北。曰西。曰起。曰烏。曰拉。曰領。曰東。曰距。

大洋海。北距北冰海南抵外興安嶺界黑龍江索倫喀爾喀烏梁海蒙古。哈薩克回部。長約一萬三千里。寬約五千餘里。地處窮髮之北限。以峻嶺崇山自古輶車之所未至。歷代行國之所不居。在大。地。為。別。一。區。宇。其地氣候極寒。迤南猶見草木。迤北勾萌鮮茁。僅有矮松白楊。一年中冰雪凝結者九閱月。其人種類各殊。戶口甚稀。游牧者或偶至焉。寒冽不可久留。故庭幕不傳於紀載。元代有漠北藩王嘗探悉其地。欲跨嶺割據之。以險遠而止。前明中葉。戕羅斯既興。有高舶於冰消時。駛至西伯利海岸。以洋貨易皮貨。日漸狎熟。盛誇戕之富強。其頭人有率戶口至戕者。睹其國都市廛宮殿之壯麗。傾心歸向。各部競相傳

播咸貢方物為藩屬。我建炮臺於烏彌河口。扼險要以控制之。漸徙罪人供力役。築城戍。於是西伯利西方諸部。不費兵力。咸為我有。尋復展轉東略。阻於冰雪。獨薩拉德夫之兵。能躡水前進。遂征服東方諸部。達於東海之隅。我羅斯與我手雅克薩城。即此時事。至加他隣后時。遣其臣墨領向東北探尋。知亞細亞與亞墨利加一土不連。中隔海峽數十里。遂名其峽曰墨領峽。因跨海據亞墨利加之一隅。綜西伯利全土。東部所產惟皮貨。狐狸。兔。貂。鼠。獺之類。皆備專售中國。西部兼產金銀銅鐵。各鑛鐵尤多。每歲得百餘萬担。泰西諸國皆仰給焉。地分八部。曰德波爾斯科。曰多木斯科。曰也尼塞斯科。曰荷慕斯科。曰義爾古德斯科。曰亞古德

斯科。曰荷哥德斯科。曰岡札德加。○德波爾斯科與海東部之亞爾干日爾。荷勒內白爾摩等部相連。以烏拉嶺為界。地氣寒甚。產金銀銅鐵鑛。○多木斯科。一作多僕在德波爾西南。與海東部之白爾摩。荷倫不爾厄等部接壤。其南與西域之哈薩克回部。毘連。游牧者時來侵掠。雖有防兵不能禁也。我有大酋駐此。總理東方。兼督鑛務。○也尼塞斯科。一作云益士在德波爾之南。多木之東。有草場。出各鑛。南境與哈薩克毘連。駐兵四千。以防侵擾。○荷慕斯科。一作東色在也尼塞之東。地頗豐饒。善釀酒。人多沈湎。南境抵外興安嶺。與烏梁海各部接壤。○義爾古德斯科。一作耳谷在荷慕之東。地極廣大。出銀鉛鑛。兼產皮貨。每年所得鉛與皮

甚多。足助國用。其人多美手姿。頗講文學。南境抵外興安嶺。與喀爾喀蒙古土謝圖汗車臣汗兩部接壤。南界有甲他城。即內地所稱恰克圖。中國與俄人互市於此。庫倫辦事大臣司其事。彼以皮夾。我以茶往。○亞古德斯科。一作牙谷。在義爾古德之東南。境抵外興安嶺。與黑龍江接壤。康熙年間。議定疆界。立有界碑。其地寒甚。冰雪之消融者。每歲止得三四月。人戶稀少。射獵之外。無生計。俄人取其所得之皮。以當賦稅。○荷哥德斯科。一作阿谷。在亞古德東北。地盡亞細亞之東北隅。寒冽過於亞古德。土人亦以獵獸為生。俄設官以賦其皮。城建海濱。與海東各島通商。以收皮貨。○岡扎德加。一作堪察加。在荷哥德之東。東界斜伸入海。

形如大刀頭。其地終年寒冽。草木稀疎。海鳥翔集如蠅蚋。居民捕魚為食。穴地而居。即東省所謂魚皮韃子。俄人設口收皮。朝臣有重罪者。流竄於此。○自亞細亞極東北。至亞墨利加海中各島。稱亞律群島。迤南接日本各島。稱古利群島。皆產皮。俄船往來收皮。鬻於中國。○北亞墨利加之西北隅。曰監札加。俄人逾荷哥德之墨領海峽。跨而有之。地寒凍無他產。所得者皮貨而已。俄羅斯雖分四大部。而大勢則東西兩土。西伯利其東土也。海東波蘭二部。其西土也。高加索新藩部。地雖在亞細亞。而與海東部牙錯亦西土也。東土曠邈無垠。雪窖冰天。自古為不毛之土。境內有勒拿葉尼塞阿比等大河。大半發源漠北。流入北冰

海湖之大者曰蘇米曰排半土人戶口稀疎雜以流寓亦甚寥落種族難稽土俗亦無可言物產則東皮西鑛皆獲無窮之利亦外府之一奇也西土三部周廻萬餘里半皆平土立國雖在北境沃壤則多屬南方河流之最長者曰窩瓦東南流七千餘里而入裏海地居伯河南流入黑海頓河西南流入亞速即阿海灣土味拿河西北流入波羅的海隅阿尼牙河北流入白海西北多太湖曰刺多牙曰阿尼牙曰西莪其海口之可通舟楫者北方則白海之隅澤加牙之灣西北則芬蘭利牙之灣西南則亞速之灣港汊四通舟行似便惟因地氣嚴寒海水之不冰者歲不過六七月或四五月船不能以時往來其南界之黑海

由他大居里海峽與地中海一綫相連海道不如他國之通利是以遠涉為難其民各分種族一曰薩刺瓦族居齊民之大半曰力丁族居波羅的沿海曰芬族即芬蘭土人居西北方曰韃韃里族游牧於南方奉回教即西域回部種類曰甲才族亦游牧奉佛教蒙古種類曰日耳曼人墾種新地曰猶太散民務百工地之所產者五穀之外麻與皮為多麻織帆布售於各國皮轉售於中國其木多橡榆松由海道運於各國南方多馬北方多牛牛之油與皮運出無窮東界之山產金銀銅鐵金鋼石其民衣長衫冬著羊皮食物最粗以大麥粉為湯粉水為飲人多嗜酒身體不浴冬月嚴寒卧爐上以取溫其俗重希臘教門亦洋教別派京師有

總教主大有權勢。其各教師散居各部。有廟七十萬間。僧一十六萬人。男寺四百八十所。女寺一百五十六所。  
俄羅斯有宰相。筦政事。有大事王召貴者一百二十人。議於公會。其部有八略。如中國之六部。益以宗人理藩。每年關稅田賦雜稅。共銀七千八百萬兩。陸路額兵六十一萬。長於馬隊。火器亦精。水師大兵船四十隻。戰船三十五隻。兵船二十八隻。小船三百隻。水手四萬丁。軍法嚴。每排陣軍士。屹立如盤石。無敢移步者。用刑最酷。榜掠之刑。慘於死。俗尚畜奴僕。貴官富商。每人所畜以數十百計。通國奴僕凡百餘萬。浮於兵額。  
按俄羅斯舊國。在秦漢為渾庾屈射堅昆丁零諸部。受役屬

於匈奴。在唐為黠戛斯骨利幹等國。宋末元太祖起北方。拓地西域。以阿羅思等即戛羅斯轉音三部分其長子。乃東峨大峨兩部地。非今日俄羅斯之全土也。元氏既衰。俄羅斯故王後裔。再燃餘燼。假鄰國西費耶忒兵力。今瑞典國驅逐蒙古。恢復疆土。迨後日益強盛。沿北海漸拓而東。繞出西域回部外蒙古諸部之北。直達黑龍江東北徼外。名曰西伯利部。我朝順治年間。築城於雅克薩。侵擾索倫諸部。稱為羅刹。屢遣兵毀其城。輒復據之。康熙年間。兩致國書。復由荷蘭附書。諭其國王。其王乃遣使上書。乞撤雅克薩之圍。分定疆界。立碑為志。通貿易於車臣汗部之恰克圖。并遣人來京師。學習漢文。每十



年更易。沿為常例。其西境自彼得羅崛起。日益恢拓。西割瑞典之芬蘭。南無高加索。迤北諸部。西取白俄諸部。又割波蘭三分之一。土耳其波斯北境。亦多被侵割。於是俄羅斯境土。北環北冰海。西據波羅的海。東距大洋海。即東又跨海據北亞墨利加之一隅。長約二萬餘里。其南北之勢。則西土較闊。約六七千里。東土較狹。約四五千里。宇內疆土之恢闊。無過俄羅斯者。宜其強大莫與京矣。然在歐羅巴諸國中。亦不過比肩英佛。而未能定霸於一方者何也。嘗以詢之雅神理。曰彼所有者。多北裔窮荒之土。其東部層冰積雪。草不繁。牲不育。不可遊牧。故漠北諸部棄而不居。俄人得之。收其皮。鑿之。

利。所謂人棄我取。非力能驅除而據為已有也。迤西入歐羅巴界。戶口稍盛。再西至大嶽東峨之南。不名都大邑。然較之英佛諸國。總覺土滿舟楫之利。火器之精心。計之密。又遠遜於諸國。逐鹿海隅。往往瞠乎其後。特因其疆土之廣。究係海內大國。故諸國亦未敢輕視之。比權量力。不過齊秦晉楚相為匹敵已耳。俄羅斯都城臨海。亦有巨艦數十。然水戰究非所長。故不能在大海中與諸國角。勝其貨船亦止往來西洋諸國。未嘗涉大洋而至粵東。蓋其國物產之最多者。曰銅鐵。曰麻布。曰木料。曰牛馬。隣近諸國皆仰給焉。不必求售遠方。最珍貴者皮。

貨如狐貂海龍駱駝羊灰鼠之類專以供中國之用入海  
船而載至炎方計無不朽敗者通市之在陸而不由海職是  
故也

西域聞見錄云。我羅斯本控噶爾屬國。我羅斯缺其朝貢。又  
興兵擾其邊。控噶爾以大兵臨之。我羅斯恐懼乞降。增其歲  
貢。控噶爾乃舍之。又云。當我羅斯與控噶爾連兵。屬國土爾  
扈特。不堪徵調之苦。其汗烏巴錫叛我羅斯。率其人戶度戈  
壁內附。正乾隆年間。勘定西域之時也。今考歐羅巴諸國。并  
無控噶爾之名。百年以來。諸大國與我羅斯構兵者。止有土  
耳其。佛郎西。波斯三國。佛郎西之侵我。係嘉慶十六年。我人

焚舊都以避之。其禍最烈。事在土爾扈特投誠之後。波斯之

役。亦係近年。惟土耳其與我羅斯連兵。前後近百年。道光初

年。猶交關未已。聞見錄所云交兵事。其為土耳其。無疑。土耳其

其都城名君士但丁。一作康思坦胎諾格爾。噶爾即格爾。上

五字之訛為控。或由於轉音省文。舊本羅馬東都。後來猶冒

羅馬之名。故聞見錄稱控噶爾都城名務魯木。魯木即羅馬

之轉音也。土耳其本回部大國。所據者西土形勝之地。恃其

魁悍。敢於侵擾強隣。我羅斯與之構兵。至數十年之久。徵發

及於屬藩。蓋非得已。烏巴錫素不知兵。出輒撓敗。多所亡失。

又為舍楞所愚。欲恢復伊犁舊牧。傾國東徙。為哈薩克所掠。

逼入沙漠。種類幾致覆滅。乃決計內附。賜牧於喀拉沙爾。我羅斯與控噶爾連兵之事。即土爾扈特人所傳述。然土耳其雖稱強大。比權量力。究非我敵。疆場之役。我屢勝而土屢北。未聞我之挫於土也。烏巴錫怨我羅斯徵調之煩。致已狼狽失國。故盛誇敵人之強大。以輕蔑之。七椿園於大西洋國土。形勢概乎未有聞。遽信其夸誕之說。杜撰一莫大之控噶爾。比諸懸圃瑤池。同一荒唐矣。或云。控噶爾乃圖理雅國王之名。曾與我羅斯爭地相戰。烏巴錫傳述此事。誤以汗名為國名。今考泰西人紀載。圖理雅即普魯士。國勢遠遜於我。乾隆年間。並無與我交兵之事。波蘭故地尚有加拉哥維亞國。袤延百餘里。乃波蘭遺民所立。自推

鄉長理事。不立君長。地在我屬波蘭部之西南。我羅斯貨船嘉慶十一年。曾有來粵東者。道光二十八年。又有一船至上海。皆經奏明駁回。蓋其國貨船。偶隨諸國私來。并非奉其國命。故一經駁飭。旋即回帆而去。





此帶統名芬蘭本瑞國地割歸我羅斯

我羅斯界

維斯界

羅巴蘭

蘭那

波羅  
綠林

斯德哥  
爾摩


波羅的海

蘭島

於江貫中臨



大西平海







此一帶諸國皆屬本國與俄國邊界

繪圖實利編

瑞典國

瑞典國○蘇以天○瑞丁○瑞西亞○綏林○綏亦古○西費耶斯科○里都亞尼亞○馬爾○波亞○藍旗○歐羅巴極西北境舊分瑞典椰耳瓦一作諾威又二國今并為一國東南距波羅的海西北距大西洋海北召北冰海南北約三千餘里東西約一千餘里地形如葵扇下垂中有連山脊起瑞立國在山之末西則椰耳瓦故地也地極廣漠而荒寒特甚土復磽瘠故民食鮮薄戶口稀疏古時為野番部落兩漢時流入日耳曼界內散處各國趙宋初有大酋厄里哥招集部人建造城邑是為瑞典立國之始是時椰耳瓦亦推大酋合羅爾德為王數傳後椰耳瓦為建國所無并明洪武年間建王后馬里

嘉慶二十一年

十六寸冒目

加爾達有權略以術招誘瑞民隸大尼國即噠為一國建國由是

日強再傳至后孫殘忍好殺瑞民多怨畔瑞有王孫曰可撒一作

逐捕瓦撒走北地匿僧舍乃免因涕泣募土人誓以除虐復仇

引兵伐噠累戰皆捷故土全復嘉靖二年瓦撒即王位威惠並

行瑞國大治王卒世子嗣位荒淫無政為國人所囚仰藥死萬

歷長十五年三十八年王俄世答嗣位時日耳曼王即奧地尚洋教諸國

導西教者咸被攻伐瑞素崇西教王救諸國之同教者帥師伐

日耳曼中礮殞於陣其大將卒戰勝乃班師王女基利斯的那

嗣位癖好文學厭苦兵事遜位於外戚加爾祿斯之羅馬游學

不復反加爾祿斯以元祿三十八年嗣位加爾祿斯一作查理

查理諷音年十八血氣方剛銳於戰伐以兵侵波蘭割其境土

之半波蘭大臣峩羅斯連兵來伐王擊敗之威聲震一時後再

攻波蘭之烏哥來納部カクライナ全軍盡覆親赴土耳其求援五年不得

請乃歸復引兵攻挪耳瓦之非德黎沙爾戰死城下峩羅斯因

以大衆感之嗣王累戰皆北割東境之芬蘭以講峩兵乃罷當

峩兵之方急也諸酋各懷去就或專擅自恣王銜之事定之後

王與諸大邦聯盟將討諸酋之不軌者諸酋懼謀弑王禮拜日

伏客以火鎗擊殺之王子嗣位性卞急好用兵師屢撓敗括餉

愈急國人噪變逐王嘉慶十四年國威加爾祿斯攝王位其養



子伯爾拿多的佛郎西人。曾為大將。智略過人。攝王委以政柄。修武備。結會盟。用兵謀定。而後戰。所向克捷。攝王因傳以位。亦更名加爾祿斯。即今在位之王也。西境之柳耳瓦。本屬噠國。嘉慶二十年。各國公使會議於維也納。以瑞地之附近於噠者歸噠。而以柳耳瓦歸瑞。

瑞典本國氣候極寒。迤北沙磧低窪。皆不毛之土。南界土稍沃。而濱海多淖泥。農作甚艱。恆苦乏食。富者啗餅薯。貧者屑樹皮。雜醃魚噉之。所產者木料銅鐵。舉國以此為生計。亦產銀鉛。鑛獸皮。境內小河甚多。皆自西而東。入波羅的海。其流湍急。而短。舊分四大部。建都之部曰綏林波羅。都城曰斯德哥爾摩。一作

士突。建於美拉爾湖濱。廟堂華炫。樓閣重疊。外通海口。為通國

之大埔頭。南曰曷蘭。三面界海。北曰那蘭。再北曰臘巴蘭。一作

爾。後又分為二十四部。曰斯德哥爾摩。曰烏布薩拉。曰威士德

來斯。曰尼哥兵。曰荷勒波羅。曰加爾羅斯達。曰斯德拉哥巴爾

卑。曰日非勒波爾。曰靈哥兵。曰加爾馬耳。曰仍哥兵。曰哥羅諾

卑爾。曰波勒金日。曰斯加拉波爾。曰厄爾弗斯波耳。曰荷德波

耳。曰亞爾慕斯達。曰基利斯的安斯達。曰馬爾摩呼斯。曰荷德

羅。曰諾爾波敦。曰威斯特爾波敦。曰威斯特爾諾耳蘭。曰仍德

蘭。二十四部原。柳耳瓦在瑞國大山之背。地形狹長如帶。北抵水海。西面大西洋海。山脚搓牙入海。如蠟。凡波濤蕩激。礁石


瀛海志


寸身月

嶙峋海舟誤觸立糜南界有腴壤稼穡四旬即熟迤北多沙磧且寒凍不毛民多以魚為穀舊分六部極南曰幾力底斯安山迤北東曰沃牙哈斯西曰麻銀哈斯再北曰特倫林再北曰那蘭斯極東北負北冰海曰肥引墨後又分為十七部曰亞日胡斯曰斯馬勒難曰里德馬爾根曰基利斯的安曰不斯給靈曰巴拉德斯北爾曰內德尼爾曰滿達爾曰斯達完白爾曰仍爾靈斯卑爾曰南卑爾仁曰北卑爾仁曰羅慕斯達爾曰南德倫的音曰北德倫的音曰諾爾蘭曰分馬爾根十七部原圖未分畫土產五金銀為多又產花紋石民情樸厚善待商旅○瑞典之臘巴蘭柳耳瓦之那蘭斯肥引墨背負冰海非人所居稍南夏日長九

時冬夜長九時極北冬有夜無晝不見日者七十五日夏有晝無夜不見月者七十五日五六兩月暴暖蚊蚋密如塵沙過此雪霰飛集皆寒凍之日矣居民身不逾四尺有野獸形似鹿繫之以當牛馬乘騎馱載皆用之斃則食其肉剔其筋以為弓○波羅的海東岸有廣土曰芬蘭與臘巴蘭肥引墨相連本瑞典東境康熙年間割歸俄羅斯瑞典有西費耶之稱費耶合音為芬即指芬蘭也按瑞國處窮髮之北在歐羅巴諸國中最高為貧瘠而能發奮自保不為強隣所并無安樂者禍之萌憂患者福之基雖荒裔亦如是也其高船時有來粵東者









計殲其衆。噠舉兵復仇。連年侵擾不已。英許歲賂與之。和是時諸國以海寇目之。不齒於列國也。後其王有駕奴特者。如一作度能修國政。賞罰嚴明。北伐椰耳瓦。滅之。伐英吉利。破倫敦。遂無王。英土駕奴特死。其子繼立。為英北族威薩所殺。噠國幾危。後復有賢主嗣位。四境乃安。明洪武十年。天曆三年女主馬里加爾達嗣位。號賢明。內修政事。外聯與國。於是瑞典亦納土為北藩。威權大振。嗣王能守其法。擴疆土。創科條。四隣咸服。其子嗣立。性酷虐。多內寵。戮酋長九十人。復欲盡滅諸酋之家。諸酋乃集議廢王。立大酋基利斯的亞奴為王。時瑞典已立故王之裔。兩國構兵數十年。乃罷。嘉慶二年英吉利師船至波羅的海。噠欲耀威。

列巨艦陳大礮。扼之於港口。英人以師船攻之。英師勝而船多損。乃講和而退。嘉慶九年佛郎西拿破侖以大兵伐噠。噠與之和。拿破侖密約噠以舟師襲英。英人偵知。先以大衆攻噠。圍都城。燔郭外四百椽。城垂陷。乃乞盟。復搆兵六年。國虛耗不可支。近年交易頗盛。元氣漸復。噠舉國奉西教。迤北語音近瑞典。迤南近日耳曼。所產惟五穀牲畜。每歲賣馬萬餘匹。牛七千。穀有餘糶於英吉利。噠國分五部。西四部與日耳曼相連。為波羅的海之門戶。橫亘如板。西面沿海窪下。築長堤以捍海潮。大風起則飛沙覆田。壠畝全沒。故多種樺以堅其沙。極北曰人德蘭。地極廣。莫多沙磧。

有大湖七。迤南曰勞英不爾厄。再南曰荷爾斯德音。再南曰石勒蘇益克。後兩部地連日耳曼。公會應出防兵三千六百名。詳說  
日耳曼南界有大埔頭曰亞爾多納。與日耳曼之昂不爾厄相近。時有釁爭。又有大書院曰基里。東北有大島曰低納馬爾加。又名日倫。都城建於此島之東北隅。曰哥卑納給。一作可為國之品哈音  
大埔頭城內街衢繩直。屋宇軒敞。居民十萬。諸國貨船出入波羅的海。必經由此港。峽口名加的牙關。僅數里。噠設關。推稅。不則搯之。使不得過。諸國無如之何。亦遂安之。其國之富強。以此日倫之南有兩島相連。人德蘭之東南有大島曰非俄尼亞。西界海中多小島。民多生計以魚為糧。○西北大海中有大島曰

義斯蘭地亞 一作西噠 所屬也 地在英吉利三島之北數千里 哀爾蘭  
氣候寒冽。同於瑞典之北境。有火山曰按哥辣。時迸流火漿。焚廬舍。地震最烈。往往山陵陷為坎窞。其民善捕長鯨。取其油。獵海犬。剝其皮以為衣。

按噠國之在歐羅巴。壤地甚褊。未堪與諸大國比。權量力也。而加的牙一港。扼波羅的海數千里之喉。噠人實掌其筦。遂翹然為一方之傑國。之強弱。豈盡在乎疆土之廣狹哉。







147